

Start da la nova regiun BCG Flem Laax e surdada da las filialas a dus novs manaders da regiun

Cuira, ils 25 da november 2013 – A partir dal 1. da december vegn dividida la regiun da la BCG Domat en las duas regiuns Domat e Flem Laax. Questa structuraziun en indesch territoris rinforza la preschientscha da la banca e pussibilitescha in'elavuraziun dals martgads anc pli individuala. Il manader da la nova regiun Flem Laax è Martin Cavigelli e la responsabladad per Domat surpiglia Damian Jensky. Toni Brunner, il manader d'enfin ussa da la regiun Domat, va en pensiun la fin dal 2013.

La direcziun da la Banca Chantunala Grischuna ha decidì gia il mars 2012 da fundar la nova regiun Flem Laax. Cun quest pass investescha la banca pli ferm en la regiun turistica Flem Laax Falera e pussibilitescha in'elavuraziun dal martgà anc pli individuala a Domat. «Cun la structuraziun en indesch territoris ans pudain nus concentrar pli intenziunadamain als basegns respectivs da la clientella e resguardar meglier las differentas orientaziuns economicas da las duas regiuns», argumentescha il commember da la direcziun Thomas Roth la decisiun. La banca ha en pli reglà a temp la successiun da Toni Brunner, il manader da la regiun Domat, che va en pensiun la fin da l'onn.

Nova regiun Flem Laax – in'orientaziun pli ferma vers la regiun turistica

La responsabladad da la nova regiun Flem Laax cun 17 collavuratur surpiglia a partir dal 1. da december 2013 Martin Cavigelli da Fidaz. «Jau ma legrel d'accompagnar e da sustegnair cumpetentamain e directamain sin il lieu nossas clientas e noss clients en tut las dumondas finanzialas en il sector privat e da nov er en il sector da clients da fatschenta», declera el sias intenziuns. Martin Cavigelli (45) lavura dapi il 2011 tar la BCG ed è sa preparà da maniera interdisciplinara sin sia incumbensa futura. Avant ha el lavurà durant diesch onns tar la Banca Chantunala Turitgaisa e quai en diversas posiziuns directivas. En sia nova funcziun maina Cavigelli las filialas da Flem Vitg, Flem Waldhaus, Laax e Trin.

Regiun Domat – il focus sin l'elavuraziun dal martgà anc pli individuala

Medemamain il cumenzament da december surpiglia Damian Jensky la direcziun da la regiun Domat cun totalmain 23 collavuratur. Jensky (36) ch'è oriund da Domat lavura gia dapi il 2002 per la Banca Chantunala Grischuna. L'emprim en il sector controlling ed a partir dal 2009 sco manader dal martgà IPM a Domat. «Esser damanaivel da nossas clientas e noss clients ed als cussegljar cumplessivamain en tut las dumondas da finanzas èn era vinavant nossas activitads principalas», uschia Jensky davart sias finamiras. El è en l'avegnir responsabel per las filialas da Domat, Panaduz, Favugn, Razén e Stussavgia.

Cumià da Toni Brunner – engraziament per l'engaschament da plirs onns

Toni Brunner resta tar la banca anc enfin la fin dal 2013. Suentar va el en pensiun bain meritada.

Brunner ha lavorà cun success durant pli che 18 onns tar la BCG sco manader da la regiun Domat. La Banca Chantunala Grischuna al engrazia per ses grond engaschament da plirs onns ed al giavischa tut il bun per sia proxima perioda da la vita.

A Vossas dumondas respunda gugent:

thomas.roth@gkb.ch

Manader martgads, commember da la direcziun | +41 81 256 94 60

Il sectur marketing & communicaziun As gida gugent a cuntanscher il pli svelt pussaivel Vossa persuna da contact:

As drizzai a thom.mueller@gkb.ch | +41 81 256 83 11

ubain a hans-peter.rest@gkb.ch | +41 81 256 83 10.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa l'090 collavuraturas e collavuratur (stadi dals 30-06-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaint semestral preschenta ella cun ina summa da bilantscha da CHF 19,087 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2013:	7 da favrer 2014
Radunanza dals participants:	12 d'avrigl 2014